

T965/493203

Harvard College Library Imaging Services <https://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2'	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY

SEP 27 1950

載詠樓重鐫硃批孟子

離婁章句上凡二十

亂飛下去

哈佛大學哈佛燕京圖書館珍藏印

真諦堂

○孟子曰。離婁之明。公輸子之巧。不以規矩。不能成方員。師曠之聰。不以六律。不能正五音。堯舜之道。不以仁政。不能平治天下。

承上明說破

今有仁心。仁聞。而民不被其澤。不可法於後世者。不行先王之道也。聞去聲

故曰。徒善不足以爲政。徒法不能以自行。

詩云。不愆不忘。率由舊章。遵先王之法而過者。未之

有也。

聖人既竭目力焉。繼之以規矩準繩。以為方員平直。不可勝用也。既竭耳力焉。繼之以六律正五音。不可勝用也。既竭心思焉。繼之以不忍人之政。而仁

覆天下矣。勝平聲。覆音副。

故曰。為高必因丘陵。為下必因川澤。為政不因先王

之道。可謂智乎。

入仁字。後一句反說。

是以惟仁者宜在高位。不仁而在高位。是播其惡於眾也。

上無道揆也。下無法守也。朝不信道。工不信度。君子

犯義。小人犯刑。國之所存者幸也。朝音潮。

故曰。城郭不完。兵甲不多。非國之災也。田野不辟。貨

財不聚。非國之害也。上無禮。下無學。賊民興。喪無

日矣。倅與闕同。喪去聲。

詩曰。天之方蹶。無然泄泄。蹶音貴。泄音異。

泄泄。猶杳杳也。杳徒合切。

事君無義。進退無禮。言則非先王之道者。猶杳杳也。故曰。責難於君。謂之恭。陳善閉邪。謂之敬。吾君不能

謂之賊。

○盡子曰。規矩。方員之至也。聖人人倫之至也。

欲為君。盡君道。欲為臣。盡臣道。二者皆法堯舜而已矣。不以舜之所以事堯。事君。不敬其君者也。不以堯之所以治民。治民。賊其民者也。

孔子曰。道二。仁與不仁而已矣。

暴其民甚。則身弑國亡。不甚。則身危國削。名之曰幽

厲。雖孝子慈孫。百世不能改也。

詩云。殷鑒不遠。在夏后之世。此之謂也。

○孟子曰。三代之得天下也。以仁。其失天下也。以不仁。

國之所以廢興存亡者亦然。

天子不仁。不保四海。諸侯不仁。不保社稷。卿大夫不仁。不保宗廟。士庶人不仁。不保四體。

今惡死亡。而樂不仁。是猶惡醉而強酒。惡去聲。樂上聲。洛強上聲。

○孟子曰。愛人不親。反其仁。治人不治。反其智。禮人不答。反其敬。

行有不得者。皆反求諸己。其身正。而天下歸之。

詩云永言配命自求多福

○孟子曰人有恆言皆曰天下國家天下之本在國

國之本在家家之本在身恆胡登反

○孟子曰為政不難不得罪於巨室巨室之所慕一

國慕之一國之所慕天下慕之故沛然德教溢乎

四海巨音舉溢音逸

○孟子曰天下有道小德役大德小賢役大賢天下

無道小役大弱役強斯二者天也順天者存逆天

者亡役音亦

齊景公曰既不能令又不受命是絕物也涕出而女

於吳涕音體女尼遇切柳去聲

今也小國師大國而恥受命焉是猶弟子而恥受命

於先師也

如恥之莫若師文王師文王又精大國五年小國七年必

為政於天下矣

詩云商之子孫其麗不億上帝既命侯于周服侯服

于周天命靡常殷士膚敏裸將于京孔子曰仁不

可為眾也夫國君好仁天下無敵裸音灌夫音扶好去聲

魚... 丁... 三... 藏板

... 慎言堂

今也欲無敵於天下而不以仁。是猶執熱而不以濯也。詩云：誰能執熱，逝不以濯。

○孟子曰：不仁者可與言哉。安其危而利其菑，樂其所以亡者，不仁而可與言，則何亡國敗家之有。齧

災同樂音洛

有孺子歌曰：滄浪之水清兮，可以濯我纓。滄浪之水

濁兮，可以濯我足。浪音耶

孔子曰：小子聽之。清斯濯纓，濁斯濯足矣。自取之也。夫人必自侮，然後人侮之。家必自毀，而後人毀之。國

必自伐，而後人伐之。夫音扶

太甲曰：天作孽，猶可違；自作孽，不可活。此之謂也。

○孟子曰：桀紂之失天下也，失其民也；失其民者，失其心也。得天下有道，得其民，斯得天下矣；得其民有道，得其心，斯得其民矣；得其心有道，所欲與之聚之，所惡勿施爾也。惡去聲

民之歸仁也，猶水之就下，獸之走壙也。走音奏壙音曠

故為淵，鰍魚者，獺也；為叢，鵒爵者，鷓也；為湯武，毆民

者，桀與紂也。為去聲鵒與驅同獺音闕爵與雀同鷓音旃

今天下之君有好仁者則諸侯皆為之改矣雖欲無王不可得已好為王並去聲

今之欲王者猶七年之病求三年之艾也苟為不畜終身不得苟不志於仁終身憂辱以陷於死亡

詩云其何能淑載胥及溺此之謂也

○孟子曰自暴者不可與有言也自棄者不可與有為也言非禮義謂之自暴也吾身不能居仁由義

謂之自棄也

仁人之安宅也義人之正路也

曠安宅而弗居舍正路而不由哀哉舍上聲

○孟子曰道在邇而求諸遠事在易而求諸難人人

親其親長其長而天下平爾與邇同  
易去聲

○孟子曰居下位而不獲於上民不可得而治也獲

於上有道不信於友弗獲於上矣信於友有道事

親弗悅弗信於友矣悅親有道反身不誠不悅於

親矣誠身有道不明乎善不誠乎身矣也坊本作矣治平  
聲乎坊本作其

是故誠者天之道也思誠者人之道也

至誠而不動者未之有也不誠未有能動者也

結却開散



○孟子曰。伯夷。辟紂。居北海之濱。聞文王作。興曰。盍歸乎來。吾聞西伯善養老者。太公辟紂。居東海之濱。聞文王作。興曰。盍歸乎來。吾聞西伯善養老者。

辟去聲

二老者。天下之大老也。而歸之。是天下之父歸之也。

天下之父歸之。其子焉往。焉於虔反

諸侯有行文王之政者。七年之內。必為政於天下矣。

○孟子曰。求也為季氏宰。無能改於其德。而賦粟倍他日。孔子曰。求非我徒也。小子鳴鼓而攻之可也。

由此觀之。君不行仁政。而富之。皆棄於孔子者也。況

於為之強戰。爭地以戰。殺人盈野。爭城以戰。殺人

盈城。此所謂率土地而食人肉。罪不容於死。為去聲

故善戰者服上刑。連諸侯者次之。辟草萊。任土地者

次之。辟與闢同

○孟子曰。存乎人者。莫良於眸子。眸子不能掩其惡。

胷中正。則眸子瞭焉。胷中不正。則眸子眊焉。眊音

音了眊

聽其言也。觀其眸子。人焉廋哉。廋於虔反

○孟子曰。恭者不侮人。儉者不奪人。侮奪人之君。惟恐不順焉。惡得為恭儉。恭儉豈可以聲音笑貌為哉。惡平聲

○淳于髡曰。男女授受不親。禮與。孟子曰。禮也。曰。嫂溺則援之以手乎。曰。嫂溺不援。是豺狼也。男女授

受不親。禮也。嫂溺援之以手者。權也。與平聲。援音

口。今天下溺矣。夫子之不援。何也。

曰。天下溺。援之以道。嫂溺。援之以手。子欲手援天下乎。

前言禮與惟此言道與乎

○公孫丑曰。君子之不教子。何也。

孟子曰。勢不行也。教者必以正。以正不行。繼之以怒。

繼之以怒。則反夷矣。夫子教我以正。夫子未出於

正也。則是父子相夷也。父子相夷則惡矣。

古者易子而教之。

父子之間。不責善。責善則離。離則不祥。莫大焉。間與

○孟子曰。事孰為大。事親為大。守孰為大。守身為大。

不失其身。而能事其親者。吾聞之矣。失其身。而能

事其親者。吾未之聞也。

正字變善字夷字離字變不祥字

孰不為事。事親事之本也。孰不為守。守身守之本也。曾子養曾皙。必有酒肉。將徹。必請所與。問有餘。必曰有。曾皙死。曾元養曾子。必有酒肉。將徹。不請所與。問有餘。曰亡矣。將以復進也。此所謂養口體者也。若曾子則可謂養志也。養去聲復扶又反事親若曾子者可也。

○孟子曰。人不足與適也。政不足閒也。惟大人為能格君心之非。君仁莫不仁。君義莫不義。君正莫不正。一正君而國定矣。適音謫閒去聲

一段急  
二段急  
中緩四段  
繳發又放  
一句結

○孟子曰。有不虞之譽。有求全之毀。譽音豫毀呼委切

○孟子曰。人之易其言也。無責耳矣。易去聲

○孟子曰。人之患在好為人師。好去聲

○樂正子從於子敖之齊。四往反一旬斬截

樂正子見孟子。孟子曰。子亦來見我乎。曰。先生何為出此言也。曰。子來幾日矣。曰。昔者。曰。昔者。則我出此言也。不亦宜乎。曰。舍館未定。曰。子聞之也。舍館定。然後求見長者乎。長上聲

○簡○峻○  
曰。克有罪。

四句整後  
二句却翻  
作一段其  
中五句聯

○孟子謂樂正子曰。子之從於子敖來。徒舖啜也。我  
不意子學古之道。而以舖啜也。舖音道。啜昌悅反。

○孟子曰。不孝有三。無後為大。

舜不告而娶。為無後也。君子以為猶告也。為無之為去聲。

○孟子曰。仁之實。事親是也。義之實。從兄是也。

智之實。知斯二者。弗去是也。禮之實。節文斯二者。是

也。樂之實。樂斯二者。樂則生矣。生則惡可已也。惡

可已。則不知足之蹈之。手之舞之。樂斯樂則之樂音洛。惡平聲。

○孟子曰。天下大悅而將歸已。視天下悅而歸已。猶

草芥也。惟舜為然。不得乎親。不可以為人。不順乎

親。不可以為子。

舜盡事親之道。而瞽瞍底豫。瞽瞍底豫。而天下化。瞽

瞍底豫。而天下之為父子者定。此之謂大孝。

離婁章句下 凡三十三章

○孟子曰。舜生於諸馮。遷於負夏。卒於鳴條。東夷之  
人也。

文王生於岐周。卒於畢郢。西夷之人也。郢盈上聲。

地之相去也。千有餘里。世之相後也。于有餘歲。得志

慎詒堂

行乎中國。若合符節。

先聖後聖。其揆一也。

○子產聽鄭國之政。以其乘輿濟人於溱洧。

溱洧音委

孟子曰。惠而不知為政。

歲十一月徒杠成。十二月興梁成。民未病涉也。

君子平其政。行僻人可也。焉得人人而濟之。

處反

故為政者。每人而悅之。日亦不足矣。

○孟子告齊宣王曰。君之視臣如手足。則臣視君如

腹心。君之視臣如犬馬。則臣視君如國人。君之視

臣如土芥。則臣視君如寇讎。

王曰。禮為舊君有服。何如。斯可為服矣。

曰。諫行言聽。膏澤下於民。有故而去。則君使人導之

出疆。又先於其所往。去三年不反。然後收其田里。

此之謂三有禮焉。如此則為之服矣。

今也為臣。諫則不行。言則不聽。膏澤不下於民。有故

而去。則君搏執之。又極之於其所往。去之日。遂收

其田里。此之謂寇讎。寇讎何服之有。

○孟子曰。無罪而殺士。則大夫可以去。無罪而戮民。則士可以徙。

○孟子曰。君仁莫不仁。君義莫不義。

○孟子曰。非禮之禮。非義之義。大人弗為。

○孟子曰。中也養不中。才也養不才。故人樂有賢父兄也。如中也棄不中。才也棄不才。則賢不肖之相去。其間不能以寸。樂音洛

○孟子曰。人有不為也。而後可以有為。

○孟子曰。言人之不善。當如後患何。

○孟子曰。仲尼不為已甚者。

○孟子曰。大人者。言不必信。行不必果。惟義所在。

○孟子曰。大人者。不失其赤子之心者也。

○孟子曰。養生者。不足以當大事。惟送死。可以當大事。養去聲

○孟子曰。君子深造之以道。欲其自得之也。自得之。則居之安。居之安。則資之深。資之深。則取之左右逢其原。故君子欲其自得之也。造七到反

蘇詩原本 下五 寇讎何服之有 下五 十一 慎詒堂

○孟子曰博學而詳說之將以反說約也

○孟子曰以善服人者未有能服人者也○又○振○一○創○以善養人

然後能服天下天下不心服而王者未之有也

○孟子曰言無實不祥不祥之實蔽賢者當之

○徐子曰仲尼亟稱於水曰水哉水哉何取於水也

亟去  
吏反

孟子曰原泉混混不舍晝夜盈科而後進放乎四海

有本者如是是之取爾舍放皆上聲

苟為無本本字聯起七八月之間雨集溝澮皆盈其涸也可立

而待也故聲聞過情君子恥之澮音怪澗下  
各反聞去聲

○孟子曰人之所以異於禽獸者幾希庶民去之君

子存之

舜明於庶物察於人倫由仁義行非行仁義也

○孟子曰禹惡旨酒而好善言惡好皆去聲

湯執中立賢無方

文王視民如傷望道而未之見而加  
通

武王不泄邇不忘遠泄音  
屑

周公思兼三王以施四事其有不合者仰而思之

至此文章  
演開又以  
兼上四段

以繼日幸而得之坐以待旦

○孟子曰王者之迹熄而詩亡詩亡然後春秋作

晉之乘楚之檇杙魯之春秋一也乘去聲檇音向杙音兀

其事則齊桓晉文其文則史孔子曰其義則丘獨取之矣

○孟子曰君子之澤五世而斬小人之澤五世而斬予未得為孔子徒也予私淑諸人也

○孟子曰可以取可以無取取傷廉可以與可以無與與傷惠可以死可以無死死傷勇

○逢蒙學射於羿盡羿之道思天下惟羿為愈已於

是殺羿孟子曰是亦羿有罪焉公明儀曰宐若無

罪焉曰薄乎云爾惡得無罪逢音旁惡平聲

鄭人使子濯孺子侵衛衛使庾公之斯追之子濯孺

子曰今日我疾作不可以執弓吾死矣夫問其僕

曰追我者誰也其僕曰庾公之斯也曰吾生矣其

僕曰庾公之斯衛之善射者也夫子曰吾生何謂

也曰庾公之斯學射於尹公之他尹公之他學射

於我夫尹公之他端人也其取友必端矣庾公之

文勢至此欲絕而文情正爾躍錫下文引取友之端以證惡得無罪之語不須聯絡呼吸自應與龍斷章同此只引射事更於此喻者不迫而切



斯至。曰。夫子何為不執弓。曰。今日我疾作。不可以執弓。曰。小人學射於尹公之他。尹公之他。學射於夫子。我不忍以夫子之道。反害夫子。雖然。今日之事。君事也。我不敢廢。抽矢扣輪。去其金。發乘矢而後反。他音馱矣夫夫尹之夫竝音扶去上聲乘去聲

○孟子曰。西子蒙不潔。則人皆掩鼻而過之。

雖有惡人齋戒沐浴。則可以祀上帝。齋側皆反

○孟子曰。天下之言性也。則故而已矣。故者以利為

本。

所惡於智者。為其鑿也。如智者若禹之行水也。則無惡於智矣。禹之行水也。行其所無事也。如智者亦行其所無事。則智亦大矣。惡為竝去聲

天之高也。星辰之遠也。苟求其故。千歲之日至。可坐而致也。

○公行子有子之喪。右師往弔。入門。有進而與右師言者。言者有就右師之位。而與右師言者。

孟子不與右師言。右師不悅。曰。諸君子皆與驩言。孟子獨不與驩言。是簡驩也。

孟子聞之曰禮朝廷不歷位而相與言不踰階而相揖也我欲行禮子敖以我為簡不亦異乎朝音潮

○孟子曰君子所以異於人者以其存心也君子以仁存心以禮存心

仁者愛人有禮者敬人

愛人者人恆愛之敬人者人恆敬之

有人於此其待我以橫逆則君子必自反也我必不

仁也必無禮也此物奚宐至哉橫去聲

其自反而仁矣自反而有禮矣其橫逆由是也君子

必自反也我必不忠由與猶同下倣此

自反而忠矣其橫逆由是也君子曰此亦妄人也已

矣如此則與禽獸奚擇哉於禽獸又何難焉難去聲

是故君子有終身之憂無一朝之患也乃若所憂則

有之舜人也我亦人也舜為法於天下可傳於後

世我由未免為鄉人也是則可憂也憂之如何如

舜而已矣若夫君子所患則亡矣非仁無為也非

禮無行也如有一朝之患則君子不患矣夫音扶

○禹稷當平世三過其門而不入孔子賢之

顏子當亂世居於陋巷一簞食一瓢飲人不堪其憂

顏子不改其樂孔子賢之食音嗣 樂音洛

孟子曰禹稷顏回同道

禹思天下有溺者由已溺之也稷思天下有飢者由

已飢之也是以如是其急也由與猶同

禹稷顏子易地則皆然

今有同室之人鬪者救之雖被髮纓冠而救之可也

鄉鄰有鬪者被髮纓冠而往救之則惑也雖閉戶可

也

只用以  
句表出禹  
稷心事顏  
子已瞭然  
更不必說

兩段終上  
文未盡之  
意引喻舍  
蓄

○公都子曰匡章通國皆稱不孝焉夫子與之遊又  
從而禮貌之敢問何也

孟子曰世俗所謂不孝者五情其四肢不顧父母之

養一不孝也博奕好飲酒不顧父母之養二不孝

也好貨財私妻子不顧父母之養三不孝也從耳

目之欲以為父母戮四不孝也好勇鬪狠以危父

母五不孝也章子有一於是乎好養從皆去聲 狠胡懇反

夫章子子父責善而不相遇也夫音扶

責善朋友之道也父子責善賊恩之大者

夫章子豈不欲有夫妻子母之屬哉。為得罪於父，不得近出妻屏子，終身不養焉。其設心以為不若是，是則罪之大者。是則章子已矣。夫章之夫音扶為去聲屏必并反

○曾子居武城，有越寇。或曰：寇至，盍去諸。曰：無寓人於我室，毀傷其薪木。寇退，則曰：修我牆屋，我將反寇退。曾子反，左右曰：待先生如此，其忠且敬也。寇至，則先去以為民望。寇退，則反。殆於不可。沈猶行曰：是非汝所知也。昔沈猶有負芻之禍，從先生者七十人，未有與焉。與去聲

子思居於衛，有齊寇。或曰：寇至，盍去諸。子思曰：如彼去，君誰與守。彼音急

孟子曰：曾子子思同道。曾子師也，父兄也；子思臣也，微也。曾子子思易地則皆然。

○儲子曰：王使人矚夫子，果有以異於人乎。孟子曰：何以異於人哉。堯舜與人同耳。矚音諫

○齊人有一妻一妾而處室者，其良人出則必饜酒肉而後反，其妻問所與飲食者，則盡富貴也。其妻告其妾曰：良人出則必饜酒肉而後反，問其與飲

四語登見  
只隔六字  
然不覺冗

復是其處  
鮮妙處

三字前意  
俱在却  
不覺

轉作新語  
簡潔  
此語傳多如

蘇詩原本

下孟

下六

藏板

食者盡富貴也。而未嘗有顯者來。吾將黜良人之  
 所之也。蚤起。施從良人之所之。徧國中。無與立談  
 者。卒之東郭。墮聞之。祭者乞其餘。不足。又顧而之  
 他。此其為饜足之道也。其妻歸告其妾曰。良人者  
 所仰望而終身也。今若此。與其妾訕其良人。而相  
 泣於中庭。而良人未之知也。施施從外來。驕其妻  
 妾。施音施。又音異。墮音煩。施施如字。  
 由君子觀之。則人之所以求富貴利達者。其妻妾不  
 羞也。而不相泣者。幾希矣。

萬章章句上凡十章

○萬章問曰。舜往于田。號泣于旻天。何為其號泣也。

孟子曰。怨慕也。號音毫。旻音民。

萬章曰。父母愛之。喜而不忘。父母惡之。勞而不怨。然

則舜怨乎。曰。長息問於公明高曰。舜往于田。則吾

既得聞命矣。號泣于旻天。于父母。則吾不知也。公

明高曰。是非爾所知也。夫公明高以孝子之心。為

不若是。愬我竭力耕田。共為子職而已矣。父母之

不我愛。於我何哉。愬古札切。音甲。共音恭。

孟子卷六

下孟

七

慎誦堂

反覆重疊 愈不厭如 眺層巒但 見蒼翠 轉到常情 方映得大 孝精神出 來

帝使其子九男二女百官牛羊倉廩備以事舜於畎  
畝之中天下之士多就之者帝將胥天下而遷之  
焉又洗出為不順於父母如窮人無所歸賦音捲 為去聲  
天下之士悅之人之所欲也而不足以解憂好色人  
之所欲妻帝之二女而不足以解憂富人之所欲  
富有天下而不足以解憂又總一旬貴為天子  
而不足以解憂人悅之好色富貴無足以解憂者  
惟順於父母可以解憂  
人少則慕父母知好色則慕少艾有妻子則慕妻子

復折歸方 見收拾

仕則慕君不得於君則執中夫孝終身慕父母五  
十而慕者子於大舜見之矣少好皆去聲

○萬章問曰詩云娶妻如之何必告父母信斯言也  
宜莫如舜舜之不告而娶何也孟子曰告則不得  
娶男女居室人之大倫也如告則廢人之大倫以  
懟父母是以不告也懟音墜

萬章曰舜之不告而娶則吾既得聞命矣帝之妻舜  
而不告何也曰帝亦知告焉則不得妻也妻去聲  
萬章曰父母使舜完廩捐階瞽瞍焚廩使浚井出從

又生下折 問意而引 文 事論說上 問事而只 答意輕放 過去

而拚之。象曰：謨蓋都君，咸我績，牛羊父母，倉廩父  
母，干戈朕，琴朕，張朕，二嫂使治朕棲。象往入舜宮，  
舜在牀琴。象曰：鬱陶思君爾，忸怩。舜曰：惟茲臣庶，  
汝其于予治，不識舜不知象之將殺已。與曰：奚而  
不知也。象憂亦憂，象喜亦喜。捐音員，張音郎，棲音西，忸音胸，怩音尼。  
曰：然則舜偽喜者與？曰：否。昔者有饋生魚於鄭子產，  
子產使校人畜之池，校人烹之，反命曰：始舍之，圉  
圉焉，少則洋洋焉，攸然而逝。子產曰：得其所哉，得  
其所哉。校人出曰：孰謂子產智？予既烹而食之，曰：

就此二句 又生一折

得其所哉，得其所哉。故君子可欺以兵方，難罔以  
非其道。彼以愛兄之道來，故誠信而喜之，奚偽焉。  
與平聲，校音效，又音教，畜許六反，攸與悠同。

○萬章問曰：象日以殺舜為事，立為天子，則放之何  
也？孟子曰：封之也。或曰：放焉。

萬章曰：舜流共工于幽州，放驩兜于崇山，殺三苗于  
三危，殛鯀于羽山，四罪而天下咸服，誅不仁也。象  
至不仁，封之有庠，有庠之人奚罪焉？仁人固如是  
乎？在他人則誅之，在弟則封之，曰：仁人之於弟也

不藏怒焉。不宿怨焉。親愛之而已矣。親之欲其貴也。愛之欲其富也。封之有庠。富貴之也。身為天子。弟為匹夫。可謂親愛之乎。共音恭。蘇音。袞庠音遜。

敢問或曰。放者何謂也。曰。象不得有為於其國。天子使吏治其國。而納其貢稅焉。故謂之放。豈得暴彼民哉。雖然。欲常常而見之。故源源而來。不及貢。以政接于有庠。此之謂也。

引語以明事

○咸丘蒙問曰。語云。盛德之士。君不得而臣。父不得而子。舜南面而立。堯帥諸侯北面而朝之。瞽瞍亦

文勢先合  
急辭兼遺  
下瞽瞍又  
生一折

北面而朝之。舜見瞽瞍。其容有蹙。孔子曰。於斯時也。天下殆哉。岌岌乎。不識此語誠然乎哉。孟子曰。否。此非君子之言。齊東野人之語也。堯老而舜攝也。堯典曰。二十有八載。放勳乃徂落。百姓如喪考妣。三年。四海遏密八音。孔子曰。天無二日。民無二王。舜既為天子矣。又帥天下諸侯以為堯三年喪。是二天子矣。朝音朝。及音急。

咸丘蒙曰。舜之不臣堯。則吾既得聞命矣。詩云。普天之下。莫非王土。率土之濱。莫非王臣。而舜既為天



子矣。敢問瞽瞍之非臣。如何。曰。是詩也。非是之謂也。勞於王事。而不得養父母也。曰。此莫非王事。我獨賢勞也。故說詩者。不以文害辭。不以辭害志。以

意逆志。是為得之。如以辭而已矣。雲漢之詩曰。周

餘黎民。靡有子遺。信斯言也。是周無遺民也。子音

孝子之至。莫大乎尊親。尊親之至。莫大乎以天下養

為天子父。尊之至也。以天下養。養之至也。詩曰。永

言孝思。孝思維則。此之謂也。養去聲

書曰。祗載見瞽瞍。夔夔齊栗。瞽瞍亦允若。是為父不

得而子也。祗音支。見音現。齊側皆反。

○萬章曰。堯以天下與舜。有諸。孟子曰。否。天子不能以天下與人。

然則舜有天下也。孰與之。曰。天與之。天與之者。諄諄然命之乎。

曰。否。天不言。以行與事示之而已矣。

曰。以行與事示之者。如之何。曰。天子能薦人於天。不能使天與之。天下。諸侯能薦人於天子。不能使天子與之。諸侯。大夫能薦人於諸侯。不能使諸侯與

之大夫。昔者堯薦舜於天，而天受之。暴之於民，而民受之。故曰：天不言，以行與事，示之而已矣。暴音僕

日敢問薦之於天，而天受之。暴之於民，而民受之。如何。曰：使之主祭，而百神享之，是天受之。使之主事，而事治，百姓安之，是民受之也。天與之人，與之。故曰：天子不能以天下與人。

舜相堯二十有八載，非人之所能為也。天也。堯崩三年之喪畢，舜避堯之子於南河之南。天下諸侯朝覲者，不之堯之子而之舜。訟獄者，不之堯之子而

之舜。謳歌者，不謳歌堯之子而謳歌舜。故曰：天也。夫然後之中國，踐天子位焉。而居堯之宮，逼堯之

子。是篡也，非天與也。相去聲 朝音 潮夫音扶

泰誓曰：天視自我民視，天聽自我民聽。此之謂也。

○萬章問曰：人有言：至於禹而德衰，不傳於賢而傳於子。有諸？孟子曰：否，不然也。天與賢則與賢，天與子則與子。昔者舜薦禹於天，十有七年。舜崩，三年之喪畢，禹避舜之子於陽城。天下之民從之，若堯崩之後，不從堯之子而從舜也。禹薦益於天，七年

禹崩三年之喪畢。益避禹之子於箕山之陰。堯  
訟獄者。不之益而之啟曰。吾君之子也。謳歌者不

謳歌。益而謳歌。啟曰。吾君之子也。朝音潮

丹朱之不肖。舜之子亦不肖。舜之相堯。禹之相舜也。

歷年多。施澤於民久。啟賢能敬承繼禹之道。益之

相禹也。歷年少。施澤於民未久。舜禹益相去久遠。

其子之賢不肖。皆天也。非人之所能為也。莫之為

而為者。天也。莫之致而至者。命也。之相之相

匹夫而有天下者。德必若舜禹。而又有天子薦之者。

故仲尼不有天下。

繼世以有天下。天之所廢。必若桀紂者也。故益伊尹

周公不有天下。

伊尹相湯。以王於天下。湯崩。太丁未立。外丙二年。仲

壬四年。太甲顛覆湯之典刑。伊尹放之於桐。三年。

太甲悔過。自怨自艾。於桐處仁遷義。三年。以聽伊

尹之訓。已也。復歸于亳。相王皆去聲

周公之不有天下。猶益之於夏。伊尹之於殷也。

孔子曰。唐虞禪。夏后殷周繼。其義一也。禪音擅

○萬章問曰。人有言。伊尹以割烹要湯。有諸。安平章

孟子曰。否。不然。伊尹耕於有莘之野。而樂堯舜之道。

焉。非其義也。非其道也。祿之以天下。弗顧也。繫馬

千駟。弗視也。非其義也。非其道也。一介不以與人。

一介不以取諸人。樂音洛。介與芥同。

湯使人以幣聘之。囂囂然曰。我何以湯之聘幣為哉。

我豈若處畎畝之中。由是以樂堯舜之道哉。囂音

高反。又戶驕反。

湯三使往聘之。既而幡然改曰。與我處畎畝之中。由

是以樂堯舜之道。吾豈若使是君為堯舜之君哉。

吾豈若使是民為堯舜之民哉。吾豈若於吾身親

見之哉。幡音翻。

天之生此民也。使先知覺後知。使先覺覺後覺也。予

天民之先覺者也。予將以斯道覺斯民也。非予覺

之而誰也。又轉。

思天下之民。匹夫匹婦。有不被堯舜之澤者。若已推

而內之溝中。其自任以天下之重如此。故就湯而

說之以伐夏救民。推吐回切。內音納。說音悅。

一。句轉結。湯使人幣聘。

慎以印堂。

下五。

慎以印堂。

慎以印堂。

慎以印堂。

吾未聞枉已而正人者也。况辱已以正天下者乎。聖人之行不同也。或遠或近。或去或不去。歸潔其身而已矣。行去聲

吾聞其以堯舜之道要湯。未聞以割烹也。

伊訓曰。天誅造攻自牧宮。朕載自亳。

○萬章問曰。或謂孔子於衛主癰疽。於齊主侍人瘠環。有諸乎。孟子曰。否。不然也。好事者為之也。癰音音瘠音音

音音音瘠音音寂好去聲

於衛主顏雝由。彌子之妻。與子路之妻。兄弟也。彌子

謂子路曰。孔子主我衛卿可得也。子路以告孔子。

曰。有命。孔子進以禮。退以義。得之不得。曰。有命。而

主癰疽與侍人瘠環。是無義無命也。讎如字

孔子不悅於魯衛。遭宋桓司馬將要而殺之。微服而

過宋。是時孔子當阨。主司城貞子為陳侯周臣。

吾聞觀近臣以其所為主。觀遠臣以其所主。若孔子

主癰疽與侍人瘠環。何以為孔子。

○萬章問曰。或曰。百里奚自鬻於秦。養牲者。五羊之

皮。食牛。以要秦穆公。信乎。孟子曰。否。不然。好事者

爲之也。食音嗣好去聲下同

百里奚虞人也。晉人以垂棘之璧與屈產之乘假道

於虞以伐虢。宮之奇諫百里奚不諫。屈音彌乘去聲虢音國

知虞公之不可諫而去之秦。年已七十矣。曾不知以

食牛干秦穆公之爲汙也。可謂智乎。不可諫而不

諫。可謂不智乎。知虞公之將亡而先去之。不可謂

不智也。時舉於秦。知穆公之可與有行也。而相之

可謂不智乎。相秦而顯其君於天下。可傳於後世

不賢而能之乎。自鬻以成其君。鄉黨自好者不爲

憑虛立論

繫紆委曲仍折到本問語結

而謂賢者爲之乎。相去聲

萬章章句下凡九章

○孟子曰。伯夷目不視惡色。耳不聽惡聲。非其君不

事。非其民不使。治則進。亂則退。橫政之所出。橫民

之所止。不忍居也。思與鄉人處。如以朝衣朝冠坐

於塗炭也。當紂之時。居北海之濱。以待天下之清

也。故聞伯夷之風者。頑夫廉。懦夫有立志。治去聲下同橫

去聲朝音潮

伊尹曰。何事非君。何使非民。治亦進。亂亦進。曰。天之

生斯民也。使先知覺後知。使先覺覺後覺。予天民之先覺者也。予將以此道覺此民也。思天下之民匹夫匹婦有不與被堯舜之澤者。若已推而內之溝中。其自任以天下之重也。與音預  
柳下惠不羞汙君。不辭小官。進不隱賢。必以其道遺佚而不怨。阨窮而不憫。與鄉人處。由由然不忍去也。爾為爾。我為我。雖袒裼裸裎於我側。爾焉能澆我哉。故聞柳下惠之風者。鄙夫寬。薄夫敦。

孔子之去齊。接淅而行。去魯。曰。遲遲吾行也。去父母

國之道也。可以速而速。可以久而久。可以處而處。可以仕而仕。孔子也。漸音昔

孟子曰。伯夷。聖之清者也。伊尹。聖之任者也。柳下惠。聖之和者也。孔子。聖之時者也。

孔子之謂集大成。集大成也者。金聲而玉振之也。引聲喻大金聲也者。始條理也。玉振之也者。終條理也。始條理

正意者。智之事也。終條理者。聖之事也。

智。譬則巧也。聖。譬則力也。由射於百步之外也。其至爾力也。其中非爾力也。中去聲

○北宮錡問曰周室班爵祿也。如之何。錡音以

孟子曰其詳不可得聞也。諸侯惡其害已也。而皆去

其籍。然而軻也。嘗聞其畧也。惡去聲。去上聲。

天子一位。公一位。侯一位。伯一位。子男同一位。凡五

等也。君一位。卿一位。大夫一位。上士一位。中士一

位。下士一位。凡六等。

天子之制地方千里。公侯皆方百里。伯七十里。子男

五十里。凡四等。不能五十里。不達於天子。附於諸

侯。曰附庸。

天子之卿受地視侯。大夫受地視伯。元士受地視子

男。

大國地方百里。君十卿祿。卿祿四大夫。大夫倍上士。

上士倍中士。中士倍下士。下士與庶人在官者同

祿。祿足以代其耕也。

次國地方七十里。君十卿祿。卿祿三大夫。大夫倍上

士。上士倍中士。中士倍下士。下士與庶人在官者

同祿。祿足以代其耕也。

小國地方五十里。君十卿祿。卿祿二大夫。大夫倍上



士。上士倍中士。中士倍下士。下士與庶人在官者同祿。祿足以代其耕也。

耕者之所獲。一夫百畝。百畝之糞。上農夫食九人。上  
次食八人。中食七人。中次食六人。下食五人。庶人  
在官者。其祿以是為差。食音嗣

○萬章問曰。敢問友。孟子曰。不挾長。不挾貴。不挾兄  
弟而友。友也者。友其德也。不可以有挾也。

孟獻子。百乘之家也。有友五人焉。樂正裘。牧仲。其三  
人則予忘之矣。獻子之與此五人者。友也。無獻子

之家者也。此五人者。亦有獻子之家。則不與之友  
矣。乘去聲下同

非惟百乘之家為然也。雖小國之君亦有之。費惠公  
曰。吾於子思。則師之矣。吾於顏般。則友之矣。王順  
長息。則事我者也。費音祕般音班

非惟小國之君為然也。雖大國之君亦有之。晉平公  
之於亥唐也。入云則入。坐云則坐。食云則食。雖疏  
食菜羹。未嘗不飽。蓋不敢不飽也。然終於此而已  
矣。弗與共天位也。弗與治天職也。弗與食天祿也。

士之尊賢者也。非王公之尊賢也。

疏食之食音旬

舜尚見帝。帝館甥于貳室。亦饗舜。迭為賓主。是天子而友匹夫也。

用下敬上。謂之貴貴。用上敬下。謂之尊賢。貴貴尊賢。其義一也。

○萬章問曰。敢問交際何心也。孟子曰。恭也。

曰。郤之郤之為不恭。何哉。曰。尊者賜之。曰。其所取之者。義乎。不義乎。而後受之。以是為不恭。故弗郤也。曰。請無以辭郤之。以心郤之。曰。其取諸民之不義也。

而以他辭無受不可乎。曰。其交也以道。其接也以禮。斯孔子受之矣。

萬章曰。今有禦人於國門之外者。其交也以道。其餽也以禮。斯可受禦與。曰。不可。康誥曰。殺越人于貨。閔不畏死。凡民罔不讖。是不待教而誅者也。殷受夏。周受殷。所不辭也。於今為烈。如之何其受之。

聲讖音兌  
書作慈

曰。今之諸侯。取之於民也。猶禦也。苟善其禮際矣。斯君子受之。敢問何說也。曰。子以為有王者作。將比

今之諸侯而誅之乎。其教之不改而後誅之乎。夫

謂非其有而取之者盜也。充類至義之盡也。孔子

之仕於魯也。魯人獵較。孔子亦獵較。獵較猶可。而

況受其賜乎。孔音祕夫音扶較音角

曰。然則孔子之仕也。非事道與。曰。事道也。事道奚獵

較也。曰。孔子先簿正祭器。不以四方之食供簿正。

曰。奚不去也。曰。為之兆也。兆足以行矣。而不行而

後去。是以未嘗有所終。三年淹也。與平聲兆音趙淹坊本作奄

孔子有見行可之仕。有際可之仕。有公養之仕。於季

桓子見行可之仕也。於衛靈公際可之仕也。於衛孝公公養之仕也。

○孟子曰。仕非為貧也。而有時乎為貧。娶妻非為養

也。而有時乎為養。為養並去聲下同

為貧者。辭尊居卑。辭富居貧。

辭尊居卑。辭富居貧。惡乎宜乎。抱關擊柝。惡平聲柝音託

孔子嘗為委吏矣。曰。會計當而已矣。嘗為乘田矣。曰。

牛羊茁壯長而已矣。委音職會音怪當丁浪反乘去聲茁音札長上聲

位卑而言高。罪也。立乎人之本朝。而道不行。恥也。

終篇看其反覆激昂之勢

又粘辭尊居卑二句綴作一問

下字面有次第

文字亦反

○萬章曰。士之不託諸侯。何也。孟子曰。不敢也。諸侯失國。而後託於諸侯。禮也。士之託於諸侯。非禮也。萬章曰。君餽之粟。則受之乎。曰。受之。受之何義也。曰。君之於氓也。固周之。

四 曰。周之則受。賜之則不受。何也。曰。不敢也。曰。敢問其不敢何也。曰。抱關擊柝者。皆有常職。以食於上。無常職而賜於上者。以為不恭也。

六 曰。君餽之。則受之。不識可常繼乎。曰。繆公之於子思也。亟問亟餽鼎肉。子思不悅。於卒也。標使者出諸

大門之外。北面稽首再拜而不受。曰。今而後知君之犬馬畜伋。蓋自是臺無餽也。悅賢不能舉。又不能養也。可謂悅賢乎。亟音跋去聲下同標音標使去聲畜音旭伋音急

曰。敢問國君欲養君子如何。斯可謂養矣。曰。以君命將之。再拜稽首而受。其後廩人繼粟。庖人繼肉。不以君命將之。子思以為鼎肉。使已僕僕爾。亟拜也。非養君子之道也。

堯之於舜也。使其子九男事之。二女女焉。百官牛羊倉廩備以養舜於畎畝之中。後舉而加諸上位。故

曰王公之尊賢者也

下女字去聲

○萬章曰敢問不見諸侯何義也孟子曰在國曰市

井之臣在野曰草莽之臣皆謂庶人庶人不傳質

為臣不敢見於諸侯禮也

質與贊同

萬章曰庶人召之役則往役君欲見之召之則不往

見之何也曰往役義也往見不義也

且君之欲見之也何為也哉曰為其多聞也為其賢

也曰為其多聞也則天子不召師而況諸侯乎為

其賢也則吾未聞欲見賢而召之也

為並去聲

文勢激昂  
就語折  
然則治天  
下獨可耕  
且為與句  
法同

繆公亟見於子思曰古千乘之國以友士何如子思

不悅曰古之人有言曰事之云乎豈曰友之云乎

子思之不悅也豈不曰以位則子君也我臣也何

敢與君友也以德則子事我者也奚可以與我友

千乘之君求與之友而不可得也而況可召與

皆去聲召與之與平聲

齊景公田招虞人以旌不至將殺之志士不忘在溝

壑勇士不忘喪其元孔子奚取焉取非其招不往

也喪釋浪反

曰敢問招虞人何以曰以皮冠庶人以旃士以旂大夫以旌

以大夫之招招虞人虞人死不敢往以士之招招庶

人庶人豈敢往哉況乎以不賢人之招招賢人乎

欲見賢人而不以其道猶欲其入而閉之門也夫義

路也禮門也惟君子能由是路出入是門也詩云

周道如底其直如矢君子所履小人所視夫音扶底與砥

同音紙

萬章曰孔子君命名不俟駕而行然則孔子非與曰

孔子當仕有官職而以其官名之也與平聲

○孟子謂萬章曰一鄉之善士斯友一鄉之善士一

國之善士斯友一國之善士天下之善士斯友天

下之善士

以友天下之善士為未足又尚論古之人頌其詩讀

其書不知其人可乎是以論其世也是尚友也頌與

通誦

○齊宣王問卿孟子曰王何卿之問也王曰卿不同

乎曰不同有貴戚之卿有異姓之卿王曰請問貴

一句進一  
句至此却  
折下用一  
語結

戚之卿曰君有大過則諫反覆之而不聽則易位  
王勃然變乎色

曰王勿異也王問臣臣不敢不以正對

王色定然後請問異姓之卿曰君有過則諫反覆之  
而不聽則去

告子章句上 凡二 十章

○告子曰性猶杞柳也義猶柤棿也柤音背平聲以人性為仁義

猶以杞柳為柤棿柤音背平聲

孟子曰子能順杞柳之性而以為柤棿乎將戕賊杞

柳而後以為柤棿也如將戕賊杞柳而以為柤棿

則亦將戕賊人以為仁義與率天下之人而禍仁

義者必子之言夫戕音齧與平

○告子曰性猶湍水也決諸東方則東流決諸西方

則西流人性之無分於善不善也猶水之無分於

東西也湍他端反

孟子曰水信無分於東西無分於上下乎人性之善

也猶水之就下也人無有不善水無有不下

今夫水搏而躍之可使過額激而行之可使在山是

豈水之性哉。其勢則然也。人之可使為不善。其性亦猶是也。夫音扶。搏補各反。

○告子曰。生之謂性。

就一可問

孟子曰。生之謂性也。猶白之謂白與。曰。然。白羽之白

也。猶白雪之白。白雪之白。猶白玉之白歟。曰。然。

然則犬之性。猶牛之性。牛之性。猶人之性歟。

此非問

○告子曰。食色性也。仁內也。非外也。義外也。非內也。

反覆致詳

孟子曰。何以謂仁內。義外也。曰。彼長而我長之。非有長於我也。猶彼白而我白之。從其白於外也。故謂

之外也。長上聲。下同。

曰。異於白馬之白也。無以異於白人之白也。不識長

變轉

馬之長也。無以異於長人之長與。且謂長者義乎。

長之者義乎。與平聲。

曰。吾弟則愛之。秦人之弟。則不愛也。是以我為悅者

再見內外字

也。故謂之內。長楚人之長。亦長吾之長。是以長為

悅者也。故謂之外也。

曰。耆秦人之炙。無以異於耆吾炙。夫物則亦有然者

也。然則耆炙。亦有外歟。耆與嗜同。夫音扶。

三反覆如層崖斷岸



○孟子子問公都子曰何以謂義內也  
曰行吾敬故謂之內也

反覆折難

鄉人長於伯兄一歲則誰敬曰敬兄酌則誰先曰先  
酌鄉人所敬在此所長在彼果在外非由內也

再起

公都子不能荅以告孟子孟子曰敬叔父乎敬弟子  
彼將曰敬叔父曰弟為尸則誰敬彼將曰敬弟子  
曰惡在其敬叔父也彼將曰在位故也子亦曰在  
位故也庸敬在兄斯須之敬在鄉人惡平聲

季子聞之曰敬叔父則敬敬弟則敬果在外非由內

也公都子曰冬日則飲湯夏日則飲水然則飲食

句與晉與同  
亦在外也

○公都子曰告子曰性無善無不善也

或曰性可以為善可以為不善是故文武興則民好  
善幽厲興則民好暴好去聲

或曰有性善有性不善是故以堯為君而有象以瞽  
瞍為父而有舜以紂為兄之子且以為君而有微

子啟王子比干

今日性善然則彼皆非歟

孟子曰。乃若其情。則可以為善矣。乃所謂善也。若夫為不善。非才之罪也。夫音扶

惻隱之心。人皆有之。羞惡之心。人皆有之。恭敬之心。人皆有之。是非之心。人皆有之。惻隱之心。仁也。羞

惡之心。義也。恭敬之心。禮也。是非之心。智也。仁義

禮智。非由外鑠我也。我固有之也。弗思耳矣。故曰

求則得之。舍則失之。或相倍蓰。而無算者。不能盡

其才者也。惡去聲。鑠式灼切。舍上聲。蓰音司。

詩曰。天生蒸民。有物有則。民之秉夷。好是懿德。孔子

曰。為此詩者。其知道乎。故有物必有則。民之秉夷

也。故好是懿德。

○孟子曰。富歲子弟多賴。凶歲子弟多暴。非天之降才爾殊也。其所以陷溺其心者。然也。

今夫粳麥。播種而耰之。其地同樹之時。又同。淳然而

生。至於日至之時。皆熟矣。雖有不同。則地有肥磽

雨露之養。人事之不齊也。夫音扶。粳音牟。耰音憂。

故凡同類者。舉相似也。何獨至於人而疑之。聖人與

我同類者。

以非殊字  
變作同字  
又以同字  
似字一轉  
精神燦然

故龍子曰不知足而為屨我知其不為蕢也屨之相似天下之足同也蕢音遺屨音踞

白起轉為  
避麥又轉  
為口耳目

口之於味有同者也易牙先得我口之所耆者也如使口之於味也其性與人殊若犬馬之與我不同類也則天下何耆皆從易牙之於味也至於味天下期於易牙是天下之口相似也耆與嗜同下同惟耳亦然至於聲天下期於師曠是天下之耳相似也

七節反覆  
比喻及正  
意如駘馬  
下峻坂高  
屋建瓴水  
勢不可遏  
只至於心

之狡者無目者也狡音攪

獨無所同  
然乎一何  
幹轉筆力  
萬鈞

故曰口之於味也有同耆焉耳之於聲也有同聽焉目之於色也有同美焉至於心獨無所同然乎心之所同然者何也謂理也義也聖人先得我心之所同然耳故理義之悅我心猶芻豢之悅我口

兩段對說  
感慨有味

○孟子曰牛山之木嘗美矣以其郊於大國也斧斤伐之可以為美乎是其日夜之所息雨露之所潤非無萌蘖之生焉牛羊又從而牧之是以若彼濯濯也人見其濯濯也以為未嘗有材焉此豈山之

魚言... 下... 藏板

性也哉。稟五割切。岸入聲。

雖存乎人者。豈無仁義之心哉。其所以放其良心者。

亦猶斧斤之於木也。旦旦而伐之。可以為美乎。其

日夜之所息。平旦之氣。其好惡與人相近也者幾

希。則其旦晝之所為。有梏亡之矣。梏之反覆。則其

夜氣不足以存。夜氣不足以存。則其違禽獸不遠

矣。人見其禽獸也。而以為未嘗有才焉者。是豈人

之情也哉。好惡竝去聲。梏音谷。前以。

故苟得其養。無物不長。苟失其養。無物不消。長上聲。



